

Allannguutissatut siunnersuut

uunga

Uunga siunnersuut: Nioqqutissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut inatsisaat nr. x, xXx 2015-imeersoq
(Timmisartuutiqatigiiffiit ilaasui pillugit paasissutissat atortutigut elektroniskiusutigut takuneqarsinnaanissaat kiisalu akitsuuserisut inunnik scannerillutik misissuisinnaanissaat)

Pingajussaaneerinninnissamut Inatsisinut Ataatsimiititaliamit saqqummiunneqartoq.

Inatsisartut inatsisaannut qulequttap nassuiaataanut

1. Inatsisartut inatsisaannut *qulequttap nassuiaataa* ima oqaasertalerneqassaaq:
”(Ilaasut pillugit paasissutissat takuneqarsinnaanissaat, timimut scannerut, umiarsualivinni timmisartoqarfinnilu atortulersuutit pequtsersuutillu, aningaasat tigorianaanaat eqqunneqartut anninneqartullu amerlassusaannik killiliineq)”

§ 1-imut

2. § 1, nr. 3, ima oqaasertalerneqarpoq:

”**3.** § 30-mi *imm. 5-itut* nutaatut ilanngunneqarpoq:

”*Imm. 5.* Inatsisit naapertorlugit inuttut isigineqarsinnaasut imaluunniit inuit aningaasanik tigorianaannarnik 50.000 kr-it nalinginit amerlanerusunik nassiussisut nassitittulluunniit, aningaasat tigorianaanaat tamaasa Akileraaruseriffimmut nalunaarutigissavaat kingusinnerpaamik nassiussat akitsuuseqarfiusumut tikinneranni tassangaanniilluunniit nassiunneranni.”

Imm. 5 matuma kingorna tassaalerpoq *imm. 6.*”

3. § 1-imi, nr. 5, aappassaaneerinninnermi inatsisissatut siunnersuummut ikkunneqartoq, § 32a, *imm. 2-tut* ima oqaasertalerneqarpoq:

”*Imm. 2.* Nunat allat Kalaallillu Nunaata akitsuuteqarfiata akornanni ilaasunik angallassinermut aqqutinik pilersitsisoqarnerani akileraaruseriffik imminut akissaajaataangitsumik ininik pisariaqartitanik atortulikkanik ilaasunik il.il. misissuinermut atorneqartussanik atugassiisoqarnissaanik piumasqaateqarsinnaavoq. Taamaattorli atortussanut, tassani aamma atortulersuutininut tekniskiusunut ilaasunut il.il. taamaallaat atorneqartussanut akissaajaatit akileraaruseriffimmit isumagineqassapput.”

4. § 1-imi, normutut nutaatut ilanngunneqarpoq:

”**01.** § 30, *imm. 4*, ima oqaasertalerneqarpoq:

”Imm. 4. Inuit akitsuuteqarfimmut tikinnerminni tassanngaaniilluunniit aallalernerminni aningaasanik tigorianaannarnik 50.000 kr-it nalinginit amerlanerusunik nassataqartut tamatumunnga kaammattorneqaqqaaratik nammineerlutik misissorneqarnissamut saaffiginnissapput aningaasallu tigorianaanaat nassatatik tamaasa akileraaruseriffimmut nalunaarutigissallugit pisussaaffigaat.”

§ 2-mut

5. § 2 ima oqaasertalerneqarpoq:

”§ 2. Inatsisartut inatsisaat 1. januar 2016-imi atuutilissaaq”

Allannguutissatut siunnersuummut nassuiaatit

Nassuiaatit nalinginnaasut

Allannguutissatut siunnersuut Naalakkersuisut aappassaaneerinninnermi allannguutissatut siunnersuutaannut naleqqiullugu ukuninnga allannguutitaqarpoq:

1. Aningaasat tigorianaanaat eqqunneqarsinnaasut anninneqarsinnaasullu nalunaarutigisussaataitaasut amerlassusissaannut killiliussaq 15.000 euroniit 50.000 kr-inut appartinneqarpoq. Tamanna aningaasanut tigorianaannarnut tikinnermi aallalernermiluunniit nassatanut kiisalu aningaasanut tigorianaannarnut nassiussanut tunngatillugu.
2. Erseqqissaatigineqarpoq akileraaruseriffik, akileraaruseriffimmut akissajaataangitsumik, umiarsualivinni timmisartoqarfinnilu nunanut allanut attaveqaataasuni, ilaasunik il.il. misissuineranut atugassanik ininik atortulikkanik atugassiisoqarnissaanik piumasqaateqarsinnaasoq, taamaattorli atortunut taamaallaat akileraaruseriffiup misissuineranut atorneqartussanut aningaasartuutit akileraaruseriffimmit namminermit aningaasartuutigineqarlutik.
3. Inatsisartut inatsisaata atuutsilerneqarnissaa 1. juni 2015-imiit 1. januar 2016-imut kinguartinneqarpoq.

Allannguutissatut siunnersuutip saqqummiunneqarnerata tunuliaqutaanut tunngatillugu Inatsisinut Ataatsimiititaliap UKA 2015/85-ip aappassaaneerneqarnissaanut isumaliutissiissutaanut innersuussisoqarpoq.

Allannguutissatut siunnersuut aningaasaqarnikkut allaffissornikkullu kinguneqassanngilaq.

Aalajangersakkanut ataasiakkaanut nassuiaatit

Nr. 1-imut

Allannguutissatut siunnersuutip imarisai allannguutissatut siunnersuutikkut uannga allannguutissatullu siunnersuutikkut aappasaanerinninnermi saqqummiunneqartukkut annertusitinneqarput. Tamatuma nassataanik allannguutissatut siunnersuutip oqaasertalerneqarnerata naleqqussarneqarnissaa siunnersuutigineqarpoq.

Nr. 2-mut

Aningaasat tigorianaat nunamiit nunamullu nassiussat nalunaarutigineqartussaataasut amerlassusiannut killiliussaq 15.000 euronit (100.000 kr-it missaarlugit naleqartuniit) 50.000 kr-inut appartinneqassaaq.

Aningaasanik pinerluuteqarnermi isertitanik (soorlu ikiaroorartuarniarnermit) imaluunniit pinerluuteqarnermut atugassanik (soorlu ikiaroorartumik pisiniarnermut) eqqussuinermut annissuinernullu akornusiinissaq tamatuminnga siunertaavoq.

Nr. 3-mut

Umiarsualivinni timmisartoqarfinnilu nunanut allanut attaveqaataasuni ininik pisariaqartinneqartunik atortulersukkanik ilaasunik allanillu misissuineranut atugassanik atugassiisoqarnissaanik akileraaruseriffiup piumasaqaateqarsinnaaneranut tunngavissinneqarnissaa Naalakkersuisut siunnersuutigaat.

Atortussanut taamaallaat akileraaruseriffiup misissuineranut atatillugu atorneqartussanut aningaasartuutit akileraaruseriffimmit namminermit akilerneqarnissaat allannguutissatut siunnersuummik erseqqissaatigineqarpoq.

Taamaalilluni ininik timimut scannerimik pilikkamik timmisartoqarfimmit namminermit akilerneqartumik akileraaruseriffiup misissuinerminut atugassiinissaanik, akileraaruseriffiup timmisartoqarfik pisussaaffilersinnaassanngilaa.

Allannguutissatut siunnersuut Naalakkersuisut siunnersuummik angorusutaannut naapertuuppoq, taakku inatsimmut nassuiaatini nassuiaatigineqarnerini.

Nr. 4-mut

Nunamut tikinnermi nunamiillu aallarnermi aningaasat tigorianaanaat eqqunneqartut imaluunniit anninneqartut nalunaarutigineqartussaataasut amerlassusiannut killiliussaq 15.000 euronit (100.000 kr.-it missaarlugit naleqartut) 50.000 kr.-inut appartinneqassaaq.

Aningaasanik pinerluuteqarnermi isertitanik (soorlu ikiaroonartuarniarnermit) pinerluuteqarnermulluunniit atugassanik (soorlu ikiaroonartumik pisiniarnermut) eqqussuinermit annissuinernullu akiuiniarneq tamatuminnga siunertaavoq.

Nr. 5-imut

Inatsisissatut siunnersuutip atuutilerfissaa (1. juni 2015) inatsisissatut siunnersuutip UPA 2015-imi akuersissutigineqarnissaa ilimagalugu aalajangersagaasimavoq. Inatsisissatulli siunnersuutip aatsaat UKA 2015-imi naammassillugu suliarineqarnissaata nassatarisaanik inatsisip aatsaat 1. januar 2016-imi atuutilernissaa siunnersuutigineqarpoq.